

ՍՏԵՂԾԱԳՈՐԾԱԿԱՆ ՈՒԺԵՐԻ ԾԱՂԿՈՒՄԸ

Յա. ԶԱՐՈՐՅԱՆ

Հայաստանի ԿՊ Կենտկոմի առաջին քարտուղար

Մայիսյան այս ծաղկող օրերին հայ ժողովուրդը, մեր բաղձազգ սոցիալիստական Հայրենիքի եղբայրական բոլոր ժողովուրդների հետ միասին, հանդիսավորությամբ տոնում է Հայաստանում Սովետական իշխանության հաստատման և Հայաստանի Կոմունիստական պարտիայի կազմավորման պանծալի 40-ամյա տարեդարձը:

Գտնվելով երկու մայրցամաքների՝ Նվրոպայի և Ասիայի սահմանագծում, առևտրական և ռազմական կարևոր ճանապարհների խաչմերուկում Հայաստանը ենթարկվել է օտարերկրյա զավթիչների բազմաթիվ ավերիչ արշավանքների, զավթիչներ, որոնց դեմ հայ ժողովուրդը անձնազոհ ու անվեհեր պայքար է մղել:

Հայ ժողովրդի պատմության ամենափայլուն էջերից մեկը Հայաստանի միացումն էր Ռուսաստանին XIX դարի սկզբում: Այդ իրադարձությունը հսկայական առաջադիմական դեր է խաղացել մեր ժողովրդի կյանքում, նրան հաղորդակից է դարձրել ցարիզմի և բուրժուազիայի դեմ ռուս ժողովրդի մղած ազատագրական պայքարին:

XX դարի սկզբում Հայաստանի աշխատավորները ռուս ղեկավարների պրոլետարիատի հետ ուս-ուսի տված ոտքի ելան և իրենց ազատագրումը կապեցին Ռուսաստանում պրոլետարական ղեկավարության հաղթանակի հետ: Հայաստանում երևան եկան բոլշևիկյան ընդհատակյա կազմակերպություններ: Նրանց ողջ գործունեությունը հիմնված է եղել պրոլետարական ինտերնացիոնալիզմի սկզբունքների վրա, Ռուսաստանի, Վրաստանի, Ադրբեջանի բոլշևիկների ղեկավարության գործունեության հետ անխզելի կապի վրա:

1920 թվականի ամռանը, ՌԿ(Բ)Պ ԿԿ Կովկասյան բյուրոյի անմիջական ղեկավարությամբ, ընդհատակյա բոլշևիկյան կոմիտեների և բջիջների բազայի վրա կազմավորվեց Հայաստանի Կոմունիստական պարտիան:

Հայաստանի Կոմպարտիան՝ Սովետական Միության Կոմունիստական մեծ պարտիայի հավատարիմ ու մարտական ջոկատներից մեկը, ղեկավարում էր Հայաստանի աշխատավորության ողջ պայքարը բուրժուա-նացիոնալիստական դաշնակցական ռեժիմի տապալման և Սովետական իշխանության հաստատման համար:

1920 թվականի նոյեմբերի 29-ին այդ պայքարը հաջողությամբ պսակվեց: Հայաստանի ապստամբած բանվորներն ու գյուղացիները Կոմունիստական պարտիայի գլխավորությամբ, ստանալով ռուս մեծ ժողովրդի անշահախնդիր ու եղբայրական օգնությունը, իրենց երկրից ընդմիշտ վտարեցին ատելի դաշ-

նակներին՝ արևմտյան իմպերիալիստների դրածոներին, և հաստատեցին Սովետական իշխանությունը:

Ազաազրված հայ ժողովուրդը, Հայաստանը հռչակելով Սովետական Սոցիալիստական ուսպուրիկա, Երախտագիտության առաջին խոսքն ուղղեց իր մեծ բարեկամ, համայն աշխարհի աշխատավորության առաջնորդ Վլադիմիր Իլյիչ Լենինին: Վլադիմիր Իլյիչը Հայաստանի աշխատավորներին ջերմորեն ողջունեց Սովետական իշխանության հաղթանակի առթիվ:

Քառասուն տարին պատմականորեն մեծ ժամկետ չէ, բայց այդ ժամանակաշրջանում Սովետական Հայաստանը, մեծ Սովետական Միության Եղբայրական ժողովուրդների համերաշխ ու համախմբված ընտանիքում, հսկայական թոխք դորձեց և ցարական Ռուսաստանի նախկին ազգատ ու հետամնաց ծայրամասից կերպարանափոխվեց բարձր զարգացած արդյունաբերություն, կուլտիվացված ու մեքենայացված գյուղատնտեսություն, առաջավոր մշակույթ ու գիտություն ունեցող ծաղկող ուսպուրիկայի:

Ռուսպուրիկայի աշխատավորները խորապես գիտակցում են, որ կյանքի բոլոր բնագավառներում ձեռք բերված սքանչելի հաջողությունները հնարավոր դարձան շնորհիվ Հոկտեմբերյան սոցիալիստական Մեծ ռեոլյուցիայի հաղթանակի, շնորհիվ պարտիայի լենինյան ազգային իմաստուն քաղաքականության, Եղբայրական բարեկամության, բոլոր ժողովուրդների և ամենից առաջ ռուս մեծ ժողովրդի անշահախնդիր օգնության:

ՄԱԿ-ի Գլխավոր Ասամբլեայի XV սեսիայում ունեցած իր Ելույթում ընկեր Ն. Ս. Խրուշչովը միանգամայն արդարացիորեն ասաց. «Մենք հաւաւոանում ենք, որ Ռուսաստանի նախկին ծայրամասերի փուձով ապացուցված է, որ Արեւելի Երկրները լիակատար հնարավորություն ունեն մի սերնդի կյանքի բերացում վերջ տալ հետամնացությանը, աղատությանը, հիվանդություններին, տգիտությանը և բարձրանալ ու հասնել տնտեսապես առաջավոր Երկրների մակարդակին»:

Որպեսզի ակնառու կերպով պատկերացվի, թե ինչպիսի իսկական պատմական հաջողությունների են հասել Սովետական Հայաստանի աշխատավորները, բավական է ասել, որ 1960 թվականին արդյունաբերական համախառն արտադրանքի ծավալը համարյա 70 անգամ գերազանցել է 1913 թվականի մակարդակը:

Արդյունաբերության հին ճյուղը՝ լեռնահանքայինը, այժմ հանդիսանում է գունավոր մետալուրգիայի բարձր զարգացում ունեցող բազա: Ստեղծվել և արագ զարգանում են Պայնպիսի կարևոր ճյուղեր, ինչպիսիք են՝ քիմիականը, էլեկտրատեխնիկականը, մեքենաշինականը, սարքաշինականը, ռադիոտեխնիկականը և այլն:

Ռուսպուրիկայում ստեղծված է էներգետիկ հզոր բազա: Բավական հետաքրքրական է նշել, որ բնակչության մեկ շնչին հասնող էլեկտրական էներգիայի արտադրությամբ Սովետական Հայաստանը գերազանցել է կապիտալիստական այնպիսի երկրների, ինչպիսիք են Ֆրանսիան, Իտալիան ու Ճապոնիան:

Նույնպիսի արագությունը են զարգանում մեղ մոտ հաստոցաշինությունն ու գործիքաշինությունը: 1961 թվականին ուսպուրիկայի արդյունաբերությունը կարտագրի շորս անգամ ավելի շատ մետաղահատ հաստոցներ, քան արտադրվել է ցարական Ռուսաստանում 1913 թվականի ընթացքում:

Սովետական Հայաստանի արդյունաբերության տեխնիկական բարձր մակարդակի մասին է խոսում այն փաստը, որ ներկայումս ուսպուրլիկայի ձեռնարկություններում արտադրված մեքենաներն ու սարքավորումները արտահանվում են աշխարհի 37 երկրներ:

Ռեսպուբլիկայի քառասունամյակին հիանալի նվեր հանդիսացավ 1960 թվականին եղբայրական Ադրբեջանից ստացված բնական զազը: Կարճ ժամկետում կառուցված Վարադաղ-Նրեան զազամուղը Անդրկովկասյան ուսպուրլիկաների աշխատավորների կողմից իրավամբ անվանվել է «բարեկամության զազամուղ»:

Սովետական Հայաստանի աշխատավորները սթանչլի արդյունքների են հասել էկոնոմիկայի, գիտության ու կուլտուրայի զարգացման բնագավառում, բայց է՛լ ավելի բերկրայի են մեր մոտակա հեռանկարները: Արդյունաբերական արտադրանքի ծավալը 12 տոկոս անի տարեկան միջին տեմպերի ղեկավարում յոթնամյակի ընթացքում կավելանա 2,3 անգամ:

Սովետական Հայաստանը լուրջ հաջողությունների հասավ նաև սոցիալիստական գյուղատնտեսության վերելքի գործում: Այժմ ուսպուրլիկայի 663 կոլխոզներում և 116 սովխոզներում աշխատում են յոթ հազար տրակտորներ (15 ձիուժանոց): 1200-ից ավելի հացահատիկային կուրայններ, հազարավոր ավտոմեքենաներ: Ոռոգվող հողերի տարածությունը 1913 թվականի 97 հազար հեկտարից 1960 թվականին հասցված է մինչև 240 հազար հեկտարի:

1960 թվականին 1953 թվականի համեմատությամբ մսի արտադրությունն ավելացել է 70 տոկոսով, կաթինը՝ 69,8 տոկոսով, բրդինը՝ 55 տոկոսով: Գյուղատնտեսության բնագավառում ձեռք բերած հաջողությունների համար Հայկական ՍՍԽ-ն 1958 թվականին պարգևատրվեց Լենինի շքանշանով:

Նրկրի գյուղատնտեսության հետագա զարգացման գործում պատմական նշանակություն ունի ՄՄԿԿ ԿԿ Հունվարյան պլենումը: ԿԿ պլենումում նշված գյուղատնտեսության ղեկավարման մեջ տեղ գտած թերությունները ամբողջապես և լիովին վերաբերվում են նաև մեր ուսպուրլիկային: Անդրկովկասյան ուսպուրլիկաների գյուղատնտեսության առաջավորների խորհրդակցությունը, որին մասնակցում էր ընկեր Ն. Ս. Խրուշչովը, հսկայական գործնական օգնություն ցույց տվեց մեզ ՄՄԿԿ ԿԿ Հունվարյան պլենումի կողմից առաջադրված խնդիրների իրագործման հարցում:

Սովետական իշխանության քառասուն տարիների ընթացքում հայ ժողովուրդը հսկայական հաջողությունների հասավ կուլտուրական շինարարության և աշխատավորության նյութական բարեկեցության բարձրացման բնագավառում: Անճանաչելիորեն փոխվել է Սովետական Հայաստանի քաղաքների ու գյուղերի դեմքը: Կայնորեն ծավալվել է բնակարանային շինարարությունը: Ռեսպուբլիկան ծածկված է զարոցների և տեխնիկումների խիտ ցանցով: Մինչև ուսլյուցիան զարոցներում սովորում էր բնդամենը 35 հազար աշակերտ: Այժմ ուսպուրլիկայի 1219 զարոցներում սովորում է մոտավորապես 320 հազար երեխա: Համեմատության համար կարելի է ասել, որ բնակչության յուրաքանչյուր տասը հազարին ընկնում է Սովետական Հայաստանում՝ 1717, Թուրքիայում՝ 926, Իրանում՝ 548 սովորող: Մինչև Սովետական իշխանության հաստատումը Հայաստանում չկար ոչ մի բարձրագույն ուսումնական հաստատություն: Ներկայումս ուսպուրլիկայի տասը բուհերում սովորում են 22 հազարից ավելի ուսանողներ, 38 տեխնիկումներում՝ մոտ 15 հազար սովորողներ:

Ռեսպուբլիկայի կյանքում մեծ երևույթ հանդիսացավ 1943 թվականին Հայկական ՍՍՌ Գիտությունների ակադեմիայի սանդղոմբ, որը դարձավ գիտական մտքի խոշոր կենտրոն։ Գիտությունների ակադեմիայի 30 ինստիտուտներում և 49 այլ գիտա-հետադոտական հիմնարկներում բեղմնավոր աշխատանք են տանում 4300-ից ավելի գիտական աշխատողներ, այդ թվում գիտությունների 164 դոկտորներ և 1502 թեկնածուներ։ Սովետական Հայաստանի գիտնականները ակտիվորեն օգնում են զարգացնելու ռեսպուբլիկայի էկոնոմիկան ու կուլտուրան և իրենց ստեղծագործական աշխատանքով արժեքավոր ավանդ են մուծում սովետական գիտության՝ աշխարհի ամենաառաջավոր գիտության ընդհանուր գանձարանը։

Տարեցտարի բարելավվում է ռեսպուբլիկայի բնակչության բժշկական սպասարկումը։ Հիվանդանոցների, պոլիկլինիկաների և բուժարանների լայն ցանցը կոչված է պաշտպանելու աշխատավորների առողջությունը։ Այժմ մեզ մոտ յուրաքանչյուր 10 հազար մարդուն ընկնում է 23,7 բժիշկ։ Դա համարյա երկու անգամ շատ է, քան ԱՄՆ-ում և Անգլիայում, 8 անգամ շատ, քան Թուրքիայում և 14 անգամ շատ, քան Իրանում։

Սովետական իշխանության տարիներին աճեց գրողների և արվեստի աշխատողների մի սքանչելի համաստեղություն։

Մեր կյանքի յուրաքանչյուր օրը աշխարհին ցուցադրում է սոցիալիստական սիստեմի անժխտելի գերազանցությունը կապիտալիստական սիստեմի հանդեպ։ Ծիծաղաշարժ են թվում ՍՍՌՄ ազգերի անհավասարության մասին պնդող բուրժուական ռեակցիոն գործիչների շաղակրատանքները։

Սովետական Հայաստանի, ինչպես և մեր Հայրենիքի եղբայրական մյուս ռեսպուբլիկաների օրինակով մի անգամ ևս կարելի է համոզվել բուրժուական պրոպագանդայի կեղծության մեջ։ Ծաղկող սովետական ռեսպուբլիկայի և հարևան կապիտալիստական երկրների միջև անհամեմատելի տարբերություն կա։ Արաքսի ձախ ափը, որտեղ աշխատում և կառուցում է իրոք ազատ հայ ժողովուրդը, ողողված է լույսերի ծովով՝ իսկ հակառակ ափին մութ է ու խավար։ Դա երկու աշխարհների՝ սոցիալիզմի և կապիտալիզմի սահմանն է, լույս ու խավարի սահմանը։

Եվ պատահական չէ, որ հայ ժողովրդի լայն զանգվածները, որ առաջին համաշխարհային պատերազմի տարիներին արտաքսվել էին հարազատ օջախներից, ձգտում են վերադառնալ իրենց իսկական հայրենիքում՝ ազատ Սովետական Հայաստանում։ Հետպատերազմյան տարիներին ԱՄՆ-ից, Ֆրանսիայից, Հունաստանից, Իրանից և այլ երկրներից մեզ մոտ ներգաղթել են ավելի քան հարյուր հազար հայեր։

Սովետական Հայաստանի աշխատավորները, ստեղծագործական ուժերով լցված, վստահ իրենց էլ ավելի երջանիկ վաղվան և սերտ համախմբված կոմունիստական պարտիայի ու նրա լենինյան կենտրոնական կոմիտեի շուրջը, որը գլխավորում է լենինի անմահ գործի հավատարիմ շարունակող ընկերներ։ Ս. Խրուշչովը, մեծ Սովետական Միության ժողովուրդների միասնական եղբայրական ընտանիքում է՛լ ավելի մեծ եռանդով կաշխատեն, որպեսզի արժանավայել դիմավորեն պարտիայի պատմական XXII համագումարը, հանուն սոցիալիստական Հայրենիքի հզորության հետագա ամրապնդման և մեր երկրում կոմունիզմի հաղթանակի։